

Apesar cu NFL
a cancela parada...

D2U TIN HOPI EXPECTATIVA NA NEW ORLEANS

ORANJESTAD (AAN): Esnan cu a mira e Super Bowl di Diadomingo anochi via TeleAruba, of via ATV na cable, a ripara cu e 'parada' tan spera no a ser pasa!

Esaki ta debi cu e Parada a worde cancela. Ta asina cu Diasabra anochi tur e participantenan a worde informa cu e parada a ser cancela, pa motibonan di seguridad. Pesey e grupo di Aruba, esta "D2U 365" no por tabata den e Superdome di New Orleans. E organizadornan a perde hopi placa cu e cancelacion aki,

como cu ta hopi banda mas tabata prepara caba!

Sinembargo for di siman pasa caba, e muchanan di Aruba a sa di haci 'un cos' na e ciudad grandi aki. DIARIO a compronde cu oficialnan di oficina di Alcalde di New Orleans a keda asina sorprendi cu e presentacion, cu nan ta haci lo posible pa otro aña "D2U 365" bay toca den e famoso Mardi Grass (algo estilo nan Carnaval). Nan ta haya cu D2U merece bin toca eynan.

No obstante e cancelacion di e Parada, tog e muchanan di

Aruba a duna seis presentacion. Ta asina cu siman pasa Diamars nan a toca pa 5.000 periodista na e Hyatt Hotel cu ta keda net dilanti di Super Dome.

Cada biaha cu nan a presenta, e publico no kier pa D2U 365 bay, nan ta exige pa nan ripiti. E Mericanonan a declara cu nunca di nan bida a mira un banda asina bon, cu hopi ritmo. Enberdad e ta un ritmo contagioso cu nunca nan a mira algo asina, y pesey ta respeta e muchanan di D2U 365 Tur hende ta duna compliment.

Mester bisa cu Aruba a haya un exposure hopi bon. DIARIO a compronde cu despues di toca, e tocadornan ta bay dal un paseo riba e famoso caya "Bourbon Street", y hasta eyriba nan ta reconoce nan, y e Mericanonan ta grita "Aruba, Aruba, Aruba!"

Cada parti cu presenta, bo ta haya e TV-Stationnan local ta

haciendo grabacion y anochi bo ta mire den noticieronan local.

DIARIO a compronde cu D2U 365 hasta a worde invita pa toca na un parada chikito di e team "New England Patriots", y esey a sosode tambe!

Diaranzon merdia, D2U 365 lo yega Aruba cu American Airlines.